



Jens Napátók'  
Inatsisartunut Ilaasorta, Naleraq

### § 37 naapertorlugu apeqqutip nr. 206/2022-p akineqarnera.

Asasara Jens Napátók'

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinnguuttumi issuarneqartunut akissuteqartinneqartunullu qujapput.

1. Nunaqarfinnut nakorsiarniarernerup pitsanngorsarnissaanut Naalakkersuisut qanoq pilersaaruteqarpat?

**Akissut:**

Nuna tamakkerlugu peqqinnissamik sulissussinerup sapinngisamik pitsaanerpaatinnissaa matumani ilanngullugu innuttaasunut nunaqarfinni najugallit nakorsiarnissamat periarfissaqarnissaata ingerlajuannartumik sulissutigineqarnissaa qulakkeerneqarnissaat Naalakkersuisut kissaatigaat. Naalakkersuisut ilisimatitsissutigisinnaavaat, maannakkut Peqqinnissaqarfik qarasaasiakkut nakorsiartitsinermi aaqqiissuteqarnernik nutaanik ineriartortitsinermik ingerlataqarmat, ilaatigut app videokkut nakorsiarnermik tamatumani ilaavoq. Maannakkut video aqutigalugu nakorsiartitsineranut aaqqiissut nutaaq Inuunerissaavik Steno Diabetesimit misilittarneqarpoq, app ukiup tulliani nuna tamakkerlugu atuutilersinneqarnissaa naatsorsuutigineqarpoq. Qarasaasiakkut nakorsiartitsinermi nutaami aaqqiissuteqarnerit atuutsinneqalerunik nuna tamakkerlugu napparsimasunut iluaqutaassaaq.

Tamatuma saniatigut Ukiakkut Inatsisartut ataatsimiinneranni nakorsanik amigaateqarneq pillugu kiisalu peqqissaavinni avinngarusimasuni sulisunik amigaateqarneq pillugu nassuiaammik Naalakkersuisut suliaqassasut akuersissutigineqarpoq. Nassuiaat Peqqinnissaq pillugu ataatsimiititaliarsuup isumaliutissiissutaanut, ukiup tulliani tamanut saqqummiunneqartussamat tapertaasinnaasoq naatsorsuutigineqarpoq.

2. Nappaassuarmik nalaataqartartut siusinnerusukkut iliuuseqarfigisarnissaanut Naalakkersuisut qanoq pilersaaruteqarpat?

**Akissut:**

Naalakkersuisut ilisimatitsissutigisinnaavaat immikkut ilisimasallit angalasartoqatigiit inalugarsuarmik erlummillu qinnguartaammik misissuinnermik (koloskopi) suliaqartut pillugit suliniutitut pilersaarut nunap immikkoortuini napparsimavinni suli ingerlammat. Kræfti pillugu pilersaarummik naliliineq tunngavigalugu suliniutitut pilersaarutit atuutsinneqalerpoq. Suliniutitut pilersaarut siusinnerusukkat suussusersiinnermut taamaalillunilu katsorsaanerup siusinnerusukkat aallartinneqarneranut qulakkeerinneqataavoq. Atortussat pisiarineqarput, taamaattumik Qaqortumi, Sisimiuni,

18-11-2022  
Suliap normua 2022 - 22878  
All. nr. 21691693

Postboks 1160  
Oqarasuaat: 34 50 00  
Fax: 34 55 05  
3900 Nuuk  
Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

Aasianni Ilulissanilu maannakkut misissuinerit suliarineqarsinnaapput. Peqatigitillugu tamanna isumaqarpoq, innuttaasut najugaqarfimminnut qaninnerusumi misissorneqarsinnaasut. Misissuineq immikkut ilisimasalimmit suliassaavoq, taamaammat suliassaq angalasartoqatigiinnit isumagineqarpoq. 2022-mi illoqarfiit tamarmik immikkut ilisimasalinnit atortunik nassartunik tikeraarneqarsimapput, suliassatullu pilersaarut 2023-mi ingerlaqqissaaq.

Peqatigitillugu Dronning Ingridip Napparsimavissuanut MR-scannerimik nutaamik pisiniarnermik suliamik ingerlatsineq Peqqinnissaqarfiup aallartissimagaa Naalakkersuisut erseqqissaatigissavaat. Peqqinnissaqarfimmu MR-scannerimik nutaamik pisineq kræftimik nakkutilliilluni misissuinerimut aamma nappaammik suusorsiortaatsimut pitsaanerulerseqataassaaq, tamanna pillugu nappaatit siusinnerisukkut paasineqarsinnaassapput. Kræfti pillugu pilersaarutip 2013-imeersup Nalilerneqarnerani piffissaq nassuiaassiffiusoq pingaartumik unamillernartuusoq erseqqissarnerpoq.

Tamatuma saniatigut Kræfti pillugu pilersaarutip 2013-imeersup nalilerneqarnerani innersuussutigineqartut tunngavigalugit suliniutigineqartut aallartinnissaanut periarfissap misissornera Naalakkersuisut nanginniarpaat.

3. Nunatsinni sumiiffinni nakorsaqaqarfiusuni nakorsat ikippallaarujussuartut kisitsisit kingullit saqqummiunneqartut takutippaat nunanut inerisimasunut nallersuullugit, soorlu Upernavik nunaqarfikkaarujussuaq sisamanik nakorsaqaqtussaagaluarpoq pitsaasumik inissittoqassappat. Taamaammat Upernavimmi nakorsat amerlineqarsin-naanissaanut Naalakkersuisut pilersaaruteqarpat?

**Akissut:**

Apeqquumi aamma apeqqutinut tunngavilersuummi kisitsisit imaluunniit misissuinerit sorliit innersuunneqarnerisut Naalakkersuisut ilisimanngilaat. Peqqinnissaqarfinni peqqinnissakkut sullissineq allakkiaq *"Peqqinnissaqarfiup qitiusumik immikkoortuini sullissineq"*, aallaavigivaat inuttalersuinerimilu aamma peqqinnissakkut suliatigut sullissinerit, peqqinnissakkut immikkoortuni assigiinngitsuni neqeroorutit allaatigineqarput. Taamaalilluni Peqqinnissaqarfiup nuna tamakkerlugu peqqinnissakkut sullissinerit qulakkeerumallugit peqqinnissakkut sulisorisat pisariaqartut ataavartumik inuttaqarnissaat sulissutigaat.

Med venlig hilsen  
Inussiarnersumik inuulluaqqusillunga



Mimi Karlsen